

讀史方輿紀要

續史方輿記要

直

隸

道

錄

直隸方輿紀要序

據上游之勢以臨馭六合者非今日之直隸乎說者曰昔黃帝邑於涿鹿之阿幽陵自昔建都地也太史公曰學者多稱五帝然孔子刪書斷自唐虞昔舜分幽州周列燕國漢唐以來大都可知也石晉以燕雲入契丹耶律德光於晉之天福二年始號為南京耶律隆緒又於宋之祥符五年改為燕京及女真得其地廢主亮以宋之紹興二十三年定都於燕謂燕為列國之名改為中都蒙古鐵木真於宋之嘉定八年克燕謂之燕京路忽必烈以至元元年復號為中都四年更置城郭而徙都焉九年改稱為大都路然則女真因遼蒙古因金燕都者遼金元之故都也明太宗而復都於燕也何居曰太宗潛龍之地也太宗初就封於燕當是時蒙古之餘裔猶熾習見燕都之宮闕朝市不無窺伺之情太宗靖難之勳既集切切焉為北顧之慮建行都於燕因而整戈秣馬四征弗庭亦勢所不得已也鑾輿巡幸勞費實繁易世而後不復南幸此建都所以在燕也說者曰天下有偏重之處幽燕去河洛為遠而去關中為尤遠唐都關中以范陽盧龍斗絕東垂為契丹奚室韋靺鞨所環伺於是屯戍重兵增節鎮祿山乘之遂成天寶之禍終唐之世河北常為厲階其後契丹得幽燕因以縱暴於石晉女真得幽燕因以肆毒於靖康勢莫如建為京師俾禁旅雲屯才勇輻輳以潛消天下之禍本况苦寒沙磧之地莫甚於燕而天子且以身先之夫誰敢耽安樂而避難難者曰是未可以槩論也周都豐鎬封召公於燕不聞周室之亂自燕始也漢都長安高帝五年封盧綰於燕十一年綰叛降匈奴其時之叛者不獨綰且有燕而亦不能守也後或為燕國或為廣陽郡終漢之世不聞燕之起而為厲東漢初祭彤著折衝之略則戎夷懷畏迨於末季劉虞牧幽州猶能撫循其民歌思徧於境內雖篡竊紛紜之際稱雄者或不乏然革易之初為亂且徧天下咎又不獨在燕矣夫漁陽之禍亦唐自召之耳使委任得人而制御有方安在祿山之能為變哉史思明李懷仙朱滔劉怱之徒相繼而拒命也朱克融之徒復以盧龍叛也論者乃不察其本遂比盧龍若異域謬矣夫王者長駕遠馭不能威行萬里幽燕禹迹內地耳乃謂鞭箠所不能及乎且吾聞之天子有道守在四夷勇夫重閉君子所貴以萬乘之尊而自臨於危險之地未為長策也有定天下之勞者享天下之逸亦不必寒苦沙磧之地而後可以建都也曰然則幽燕不可以建都乎曰奚為不可也人亦有言建都之

地關中為上洛陽次之燕都又次之洛陽吾無論矣漢都長安則置朔方之郡列障戍於河南又開河西五郡以絕羌與匈奴相通之路唐人築三受降城則守在河北又置安西北庭都護則西域盡為臣屬故關中可以無患及至德以後河隴之地盡沒於吐蕃而涇陽渭北戎馬且充斥焉然則朔方不守河西不固關中亦可都也都燕京而棄大甯棄開平委東勝於樁蕪視遼左如秦越是自翦其羽翼而披其股肱也欲求安全無患其可得哉然則自遼及元何以必都燕京曰遼起於臨潢南有燕雲常慮中原之復取之也故舉國以爭之置南京於燕西京於大同以為久假不歸之計女真自會甯而西擅有中夏仍遼之舊建為都邑內顧根本外臨河濟亦其所也蒙古自和林而南混一區宇其創起之地僻在西北而仍都燕京者蓋以開平近在漠南而幽燕與開平形援相屬居表裡之間為維繫之勢由西北而臨東南燕京其都會矣明代之都燕也當法漢唐之成算以開平大甯東勝遼陽為河西朔方之地乃坐而自削有日蹙百里之譏無乃與都燕之初意相刺謬乎說者曰以燕京而視中原居高負險有建瓴之勢太宗深鑒於金陵之已事建都於此實為萬世

曰形勝未可全恃而燕都之形勝又不足恃也太史公曰燕北迫蠻貊內錯齊晉崎嶇強國之間最為弱小幾滅者數矣及秦人滅趙敗燕軍於易水之西而國隨以亡臧荼盧綰國於燕不旋踵而隕斃彭寵以漁陽賈禍公孫瓚以易京覆宗上浚掩有幽州幸晉室多故冀以自雄而見戕於石勒段匹磾有幽州而仍不能自立也杜洛周葛榮韓嬰之輩旋起旋滅皆不足道高開道竊有漁陽身死而地歸於唐天寶以後以河北叛亂者凡十七起其能免於誅戮保其宗祀者不數見也迨夫李匡壽見滅於克用劉守光復繫組於存勗而幽燕卒并於河東矣契丹強者八世竟敗亡於女真女真恣睢者百年終剪滅於蒙古焉在其為險固者與嗚呼以燕都僻處一隅關塞之防日不暇給卒旅奔命挽輸懸遠脫外滋肩背之憂內啟門庭之寇左支右吾倉皇四顧下尺一之符徵兵於四方恐救未至而國先亡也撤關門之戍以為內援之師又恐軍未離而險先失也甚且藉虎以驅狼不知虎之且縱其搏噬以鳥喙攻毒而不知鳥喙之即足以殺身也不亦悲哉然則當去燕京而都金陵乎曰金陵可為創業之地而非守成之地也局促於東南而非宅中圖大之業也然則建都者當何如曰法成周而紹漢唐吾知其必在關中矣

讀史方輿紀要卷十

崑山顧祖禹景范輯者
南昌彭元瑞芸相校定

錦里龍萬育雙堂校刊

直隸一

古冀州舜分置十二州此為幽州傳曰舜分為分恆山之地為并州東北晉無間之地為幽州則禹貢亦為冀州周

禮職方東北曰幽州應劭曰北方大陰故以幽冥為號杜佑曰山海經幽州有幽都於并蓋因以名今山列北荒矣武王封召公奭於燕此為燕地其在天文尾箕

則燕分野亦兼趙魏之疆真定順德廣平河間春秋時晉地後屬於趙大名春秋時衛地後秦并天下置瀛陽上谷

邯鄲鉅鹿右北平等郡漢置十三州此亦為幽州及并冀二州地後漢因之後漢以幽州理薊今順天府治地冀州

陽今山西晉亦為幽冀諸州幽理涿今涿州冀理房後為石勒慕容儼及苻堅所據堅敗屬慕容垂其後入於後魏

魏末高齊據之宇文周復滅齊而有其地隋分十三部此亦為冀州而不詳所統唐分十道北為河北道天寶以後

強藩往往竊據馬五代時石晉割燕平諸州入于契丹周世宗復三關於是與契丹以白溝河為界見保定府雄縣

甌宋仍為河北路後又分河北為東西路慶曆中嘗分為四路今詳最後建燕山路而宋以亡金初亦分河北為東

西路廢主亮定都于燕因改置中都等路蒙古初置燕京路至元四年定都於此改大都路置中書省統山東西及

河北地明洪武九年置北平等處承宣布政使司永樂元年建北京稱在十八年始定都馬政布政司為直隸洪熙初復

在稱行正統六年定為京師統府八州二屬州十七縣一百一十六總為里三千二百有奇夏秋二稅大約六十萬一千一百五十二石有奇

順天府屬州五縣二十二

大興縣附郭宛平縣附郭良鄉縣 固安縣 永清縣 東安縣 香河縣

通州屬縣四

三河縣 武清縣 鄆縣 寶坻縣

霸州屬縣三

文安縣 大城縣 保定縣

讀史方輿紀要

卷十

直隸一

一

涿州屬縣一

房山縣

昌平州屬縣三

順義縣

懷柔縣

密雲縣

蘇州屬縣四

玉田縣

豐潤縣

遵化縣

平谷縣

保定府屬州二 縣十七

清苑縣附郭 滿城縣

安肅縣

定興縣

新城縣

雄縣

容城縣 唐縣

慶都縣

博野縣

蠡縣

完縣

祁州屬縣二

深澤縣

束鹿縣

安州屬縣二

高陽縣

新安縣

易州屬縣一

來水縣

河間府屬州二 縣十六

河間縣附郭 獻縣

阜城縣

肅甯縣

任邱縣

交河縣 青縣

興濟縣

靜海縣

甯津縣

景州屬縣三

吳橋縣

東光縣

故城縣

滄州屬縣三

南皮縣 鹽山縣 慶雲縣

真定府屬州五 縣二十七

真定縣附郭 井陘縣 獲鹿縣 元氏縣 靈壽縣

藁城縣 樂城縣 無極縣 平山縣 阜平縣

定州屬縣三

新樂縣 曲陽縣 行唐縣

冀州屬縣四

南宮縣 新河縣 東強縣 武邑縣

晉州屬縣三

安平縣 饒陽縣 武強縣

趙州屬縣六

柏鄉縣 隆平縣 高邑縣 臨城縣 贊皇縣 寧晉縣

深州屬縣一

衡水縣

順德府屬縣九

邢臺縣附郭 沙河縣 南和縣 任縣 內邱縣

唐山縣 平鄉縣 鉅鹿縣 廣宗縣

廣平府屬縣九

永年縣附郭 曲周縣 肥鄉縣 雞澤縣 廣平縣

成安縣

威縣

邯鄲縣

清河縣

大名府屬州一

縣十

元城縣附郭

大名縣

魏縣

南樂縣

清豐縣

內黃縣

濬縣

滑縣

開州屬縣二

長垣縣

東明縣

永平府屬州一

縣五

盧龍縣附郭

撫甯縣

昌黎縣

灤州屬縣一

樂亭縣

直隸延慶州屬縣一

永甯縣

萬全都指揮使司屬衛十五 所三

宣府左衛

附郭又有宣府右衛前衛及興和所俱在郭內

萬全左衛

萬全右衛

懷安衛

又係安右衛在郭內

懷來衛

又延慶右衛在郭內

開平衛

龍門衛

附州延慶左永甯保安四衛別見

龍門所

廣昌美峪二所別見 長安嶺 鷲赤城雲州馬營五堡附見

舊開平衛附

舊大寧衛附

東海濱

自山海關以南與遼東接界天津衛以南與山東接界皆大海也

南控三齊

燕齊地界相錯由京師走山東德州七百里而近楚粵江浙閩海之趨京師者皆以山東為梯航之會

西阻太行

太行中分冀州之界圍環數千里唐宋河北河東皆以太行為限蔽

北屆沙漠

幽州之地控帶沙漠明初列戍漠南鎖鑰深固後防維日壞無復初制矣

其名山則有恒山

恒山亦曰常山亦曰北嶽在真定府定州曲陽縣西北百四十里亘深定府以西及山西大同府東境保定府志

縣以北接於易州皆恒山也山西渾源州志恒山在州南二十里北接蔚州之境舜典歲十一月朔巡狩至于北岳禹貢太行恒山周禮職方并州其山

鎮曰常山爾雅恒山為北岳祠典五岳之一也水經注謂之元岳史記趙世家趙簡子告諸子曰吾藏寶符於常山上諸

子馳之常山上求無所得毋恤還曰已得符矣簡子曰奏之曰從山常上臨代可取也又楚世家張異說楚曰

秦地半天下席捲常山之尾必折天下之脊燕世家燕張儀計願獻常山之尾五城於秦漢天漢二年祠常山

瘞元玉後漢初平四年袁紹與黑山賊張燕等戰於常山建安三年紹攻公孫瓚於易京見雄瓚欲將突騎出傍

西山擁黑山之眾不果西山即恒山黑山在今濬縣西北張燕等聚眾於此依西山為險天文志恒山辰星鎮焉晉建興四年恒山崩義熙五年

太元十一年丁零翟真餘黨鮮于乞保曲陽西山聞慕容垂南畧地時垂都中山乃出營望都今慶都縣為慕容麟所敗二

十一年慕容垂自將伐跋跋珪引兵密發踰青嶺徑天門鑿山通道出敵不意逕指雲中青嶺即恒山天門亦隆

安初拓跋珪圍中山燕慕容麟作亂自中山出奔西山依丁零餘眾二年拓跋珪自鄴還中山將北歸發卒萬人治直道自望都鐵閭鑿恒嶺至代五百餘里劉伯莊曰即義熙十三年北魏將叔孫建擊丁零翟蜀洛支等於西山平之劉宋永初三年北魏主嗣謀侵宋將諸國兵南出天關門也踰恒嶺元嘉五年定州丁零鮮于臺陽等二千餘家叛入西山北魏將叔孫建復討降之二十年北魏主熹目平城如恒山之陽隋大業四年祠恒岳唐武德五年突厥寇定州總管雙士洛擊敗之於恒山南五代周顯德六年將復關南之地詔義武帥孫行友捍西山路使漢不得越西行友因引兵拔契丹之易州地記恒山北臨代南俯趙東接河海之間天下形勝處也唐十道志河北名山曰常岳常水出焉括地志北岳別名華陽臺自上曲陽縣西北行四百五十里得常山吸號飛狐口北則代郡也名山記恒山高三千九百丈上方三千里有大元泉其山有五名一曰蘭臺府二曰列女宮三曰華陽臺四曰紫微宮五曰太乙宮又北岳記恒山頂一名無恤臺以趙襄子當登此觀代國下瞰東海也地志云恒山高侵霄漢頂名天峯嶺下建北岳觀觀前風出如虎吼名虎風口其餘峯巖洞壑隨地立名者以數百計中山志中山西北二百里有狼山自狼山而西南連常山山谷深險漢末黑山張燕五代孫方簡兄弟皆依阻其地沈括曰北岳恒山一名大茂山宋以大茂山脊與契丹分界胡氏曰自恒山至代有飛狐之口倒馬之關夏屋廣昌五回之險夏屋見山西代州廣昌見山西廣昌縣五回見易州夫恒山挺峙於冀州之中為東西屏蔽巖谷高深道路阻險出奇者所必由也

太行

太行山亦曰西山在順天府西三十里志云太行首起河內北至幽州今由廣平順德真定保定之西回環至京都之北引而東直抵海岸延袤二千餘里皆太行也從鎮定澤潞諸州而言則曰山東西自燕臺諸州而言則曰山前後石晉以山前後十六州入於契丹為中原之禍者數百年蓋太行隔絕東西實今古之大防州軍鎮戍公山錯列憑高控險難於突犯亦謂之燕山河北所恃以為固者也志勝云今界內諸山凡強形巨勢爭競險拱翼幾甸者皆太行之支峰別阜耳又太行凡八陁其在河北者有四曰井陘曰飛狐曰蒲陰曰軍都餘詳見河南名山太行

碣石

碣石山在永平府昌黎縣西北二十里禹貢夾右碣石入于河又云太行恒山至于碣石蓋河北之太山也戰國

策蘇秦曰燕南有碣石雁門之饒

山海經碣石之山通水出焉東流注於河

史記秦始皇三十二年之碣石刻碣石門壞城郭決通隄

防二世元年東行郡縣刻碣石並燕南至會稽漢武帝元封元年東巡海上至碣石北魏主濬太安三年東巡登

碣石望滄海改碣石山為樂遊山北齊主高洋天保四年破契丹還至營州登碣石山臨滄海後周大象初發山

東民脩長城立亭障西自雁門東至碣石唐十道志河北道名山曰碣石孔穎達曰碣石在平州東離海三十里

遠望其山穹隆似冢有石特出山頂其形如柱當即禹貢之碣石爾雅釋名碣石者碣然而立在海旁也水經注

里當山頂有巨石如柱形立於巨海中莫知深淺世謂之天橋岸舊在河口海濱悉世既久為水所漸淪入於海

去岸五百里漢平帝時司空掾王橫言昔天嘗連北風海水溢西南出浸數百里故張君云碣石淪在海中班固

亦云商周移也武后萬歲登封初契丹酋帥李盡忠孫萬榮作亂據營州進圍檀州遣將軍曹仁帥善擊之戰於碣石

谷唐兵大敗明年王孝傑與孫萬榮戰於東碣石契丹兵退孝傑追之行背懸崖契丹回兵薄之孝傑敗沒唐志

平州有東西碣石二成碣石即碣石之訛也又武后末唐休璟總督邊事自碣石以西踰四鎮綿亘萬里山川要

害皆能紀之通釋曰碣石凡有三鄒衍如燕燕昭王館之碣石宮身親往師此碣石特宮名耳在蘇縣東二十里

甯臺之東非山也秦築長城起自碣石此碣石在高麗界中亦謂之左碣石杜佑曰秦長城所起之碣石在漢樂

截遼水入高麗隋大業八年伐高麗分遺趙孝才出碣石道是也其在平州界內者即古大河入海處為禹貢之碣石亦曰右碣石元金仁山亦

云碣石有左右二山此皆傳謠也郭造卿云今昌黎縣北十里有仙人臺即碣石頂也其臺崇廣絕壑萬仞仰凌

霄漢回視邊塞俱在睂睫間又有一巨石形如鼉鼓疑即所稱天橋柱昔人謂碣石淪在海中似未然也

其大川則有桑乾河

桑乾河源出山西馬邑縣西北五十里洪濤壽山亦名累頭山澧水出焉即桑乾河上源也漢志注謂

府南山陰縣應州渾源州之北又東流經廣靈縣及蔚州北境入直隸保安州界經州西南出西山至順天府西

南曰盧溝河俗呼小黃河以其流濁而易淤也亦謂之渾河出盧溝橋下東南流為看丹口或誤為燕丹口元史

里分二派一東流至通州南高麗莊在州西南十三里稍合白河一南流經良鄉縣東固安縣西為巨馬河與霸

州界河合東流經永清縣及東安縣南至武清縣小直沽達於海後漢建武十三年王霸治飛狐道陳委輸事從濕水漕以省陸輓之勞即此也漢志注治水過郡六雁門代郡上谷行千一百里又桑乾水入幽州境亦謂之南桑乾水隋煬帝大業七年伐高麗宜社於南桑乾水上是也宋宣和四年童貫侵遼遣劉延慶等出雄州至良鄉為遼所敗降將郭藥師請奇兵夜半逾盧溝襲燕京入迎春門以軍無後繼不能克延慶營於盧溝橋潰還遼人追至涿水而去乾道六年金人議開盧溝河以通京師漕運自金口河導至京城北入濠又東至通州北入潞水既而以地峻水濁不堪舟楫漕渠竟不成元致和元年上都諸王忽剌臺等入紫荆關游兵進逼盧溝橋為燕帖木兒所敗遁去盧溝蓋京師南面之巨壑也志云渾河汎濁勢威自大興而東南入東安武清界金元時嘗修築堤岸以防潰決綿亘三四百里而武清崩圯尤甚每費修塞有明隄防之役亦常不乏焉

滹沱河

滹沱河源出山西繁峙縣東北百二十里之大戲山由繁峙縣折而西南流經代州東南又西南經崞縣忻州及定襄縣東復折而東南流經五臺縣南孟縣北又東入直隸真定府平山縣界經縣北又東經靈壽縣及真定府城南歷薊城縣北趨晉州城南繞保定府東鹿縣南又過安平縣南達深州北復東出饒陽縣北歷河間府獻縣南交河縣北入青縣界至縣東南岔河口合於衛河東北流至靜海縣小直沽入於海周禮職方并州川曰虜地虜地讀禮記晉人將事於河必先滹沱是也亦謂之惡池戰國策趙攻中山以擅滹沱漢志注虜沱過郡六代郡曰呼馳禮記晉人將事於河必先滹沱是也亦謂之惡池戰國策趙攻中山以擅滹沱漢志注虜沱過郡六代郡真定常山鉅鹿勃海行千三百七十里更始二年世祖自下曲陽州見晉馳至滹沱渡河所謂倉卒滹沱河麥飯也建武十三年以匈奴寇邊遣馬武屯滹沱河以備之建安中曹操自饒陽北引滹沱河為平虜渠後魏時冀州刺史王質以滹沱河流屈曲疏而直之又刺史楊真請改滹沱河為清真河唐六典河北大川曰滹沱自安史之亂滹沱南北常為戰爭之所五代時契丹南牧晉人每禦之於滹沱宋咸平中何承矩築隄儲水以限戎馬則引滹沱為塘泊益滹沱橫亘於河北燕趙有事滹沱上下皆津渡處矣

衛河

衛河源出河南輝縣西北七里之蘇門山東流經新鄉縣北過衛輝府城北一里又東北入北直大名府濬縣境謂之白溝淇水入焉亦謂之宿胥濬志云衛水小水也後漢建安九年曹操於淇水口下大枋木遏淇水東入白溝是時淇水入大河故操遏使東北流以便漕運衛河乃附淇水而東淇水見河隋大業四年又引白溝為永濟

渠亦曰御河自是衛河專有御河之名而淇水之名遂掩今衛河由濬縣經內黃縣北魏縣東南又經大名府城南東北流與故屯氏河相接屯氏河亦名王莽河歷山東昌府館陶縣西漳河合焉又東北流至臨清州西與元人所開

會通河合流濁勢盛漕河得此始無淺溢之虞由此歷武城縣及恩縣之西至北直故城縣南又東北歷山東德州西又北歷直隸景州東境吳橋縣西境過東光縣西交河縣東南及縣西又北抵滄州西及興濟縣西又北至

青縣南岔河口而合於滹沱又北至靜海縣與霸州文安縣接界引而東達天津衛又東百里而入於海曲折幾二千里此衛河之大畧也宋時黃河北流往往浸溢衛河屢費修塞元初漕舟涉江淮入河至於封邱河南開封府屬縣陸

運一百八十里至淇門今衛輝府淇縣入於御河達於京師蓋用衛河之全也國家復濬會通河乃用衛河之半云詳見川瀆漕河

易水

易水源出保定府易州西山谷中漢志注易水出故安縣閭鄉水經注亦云易水出故安縣閭鄉周禮職方并州

浸淶易戰國策蘇秦曰燕南有滹沱易水又云趙之攻燕也渡滹沱涉易水不至四五日而距國都矣史記燕太子丹使荆軻刺秦王祖道易水上又始皇二十年秦軍破燕易水之西漢志易水東至范陽入濡一云至范陽入

淶漢范陽縣在今易州東南六十里建安十一年曹操伐烏桓還至易水上即代郡烏桓皆來賀晉永安初幽州都督王浚人鄴還至易水以所將鮮卑多掠鄴中婦女命敢有挾藏者斬於是沉於易水者八千人二年石勒襲浚至易水督護

孫緯欲拒戰勒始浚至薊奉戴浚信之囚禁諸將勿擊勒遂滅浚還渡易水緯遮擊之勒僅免唐光化三年汴將張存敬故定州幽州帥劉仁恭遣子守光救之軍於易水上存敬襲擊守光殺獲甚眾此易水蓋安州以東之南易水朱梁乾化

二年晉將周德威伐燕劉守光東出飛狐與鎮定軍會於易水進下祁溝關此易水蓋即易州境之北易水祖溝關見涿州樂史云易水

有三源流經易州南三十里者曰中易水出州西北三十里窮獨山者謂之濡水亦曰北易水出州西南六十里

石獸岡者謂之雹水一作水亦曰南易水中易水流經定興縣西亦謂之白溝河涑水縣之拒馬河流合馬拒馬河

漢志所云東入涑者也自是易水兼有白溝河拒馬河之名宋人引之與遠分界於是又有界河之名又東經安肅縣北及容城縣北濡水流合焉所謂北也經新

城縣南亦曰拒馬河歷雄縣北及順天府霸州之北良鄉縣之琉璃河固安縣又東經東安縣及永清縣南宋霸州治

永清時拒馬河經縣北金元時始徙流縣南入武清縣之三角淀又東南至小直沽與衛河合達於海此易水之東出者也其南易水

即雹水也白安肅容城縣南又東南經安州北曹河徐河石橋河一畝泉河涑河沙河鴉兒唐河與易水其為九河合

成一川統名為易水東至雄縣南亦名瓦濟河又東歷河間府任邱縣北霸州之保定縣文安縣南引而東合於

潯沱同注於海此易水之別出而東南流者也蓋易水之源並出於易州而其流自不相亂或曰易水或曰故安

河則推其本而言之也或曰拒馬河或曰白溝河則從其流而言之也其於南易水或曰滋河或曰沙河唐河則

因其所匯合之川言之也宋何承矩議引易水為塘埭謂既可以限敵騎又可以利耕屯然自宋人引水作唐之

後而川流之故道益亂矣或曰易水本無正流皆附合支川以達於海故自漢以來言易水之源流者多未得其

詳云

漳水

漳水有二源濁漳水出山西長子縣西五十里之發鳩山地理志謂之鹿谷山經潞安府西南二十里東北流歷襄垣潞城

平順縣北黎城縣南入河南彰德府林縣境過縣北至臨漳縣西而合於清漳清漳水出山西樂平縣西南二十

里之少山地理志謂之大龍谷入遼州和縣順經縣西至州東南又歷潞安府黎城縣東北入漳德府涉縣南境過磁州南

至臨漳縣西而合於濁漳此漳水之上流歷久不變者也自是而下雖決徙不常然大抵分為兩途其一為漳之

經流禹貢所稱橫漳者也由臨漳縣東北入直隸廣平府境經成安縣南廣平肥鄉縣北至曲周縣西又東北歷

雞澤縣更合沙洛諸水入順德府平鄉縣境杜伯曰洛水縣南有衡漳漳水當由此東北過順德府廣宗縣東入真定府冀州界

又北至南和縣西合於澧河舊流自平鄉縣東又北經廣宗縣西鉅鹿縣東而北經任縣東至趙州隆平縣東北

注於大陸澤近代決徙不常遂合澧河而注於大陸

滙於大陸澤又經寧晉縣南又東過新河縣及南宮縣北冀州西北又經深州之南衡水縣及武邑縣之北又經武強縣東而入河間府阜城縣西北境又東經交河縣南合於滹沱或謂之衡水或謂之枯絳水或謂之葫蘆河或謂之長蘆河其實皆漳水也通釋漳水舊從德州長河縣今見河間府景州東北流經瀛州平舒縣今霸州大城縣入於河周

定王五年河徙而南故漳水不入河而自達於海夫陵谷變遷誠難意測今漳水附滹沱而入海不自達海也其一為漳河之支流從臨漳縣東入直隸大名府魏縣界經縣南分新舊二漳歷府城西北流入山東東昌府館陶縣西境而合於衛河漳濁衛清衛得漳流始盛而水亦濁過臨清西而合運河運河弱而衛強於是設閘於河口以防夏秋潦溢之患運船至此謂之出口東北達於天津由小直沽入海自元以來類資漳河為轉輸之助故

經流日就湮塞間或從臨漳挾溢水東北出議者鯁鯁然憂之恐衛流漸弱不足以濟運也志云河間府東光縣城西有濁漳水由東昌府之恩縣入景州之故城縣界又經吳橋縣東復北流入東光縣合於衛河此即漳衛合

流之水隨時散溢者今湮塞已久非漳河正流也萬厯初漳河嘗北徙由魏縣入曲周縣之潞陽河而館陶之流幾絕是後臨漳滹縣內黃魏縣之境往往決塞不時蓋水流於濁之故也大抵經流盛則支流衰支流盛則經流

竭消長有時而臨漳已下漳水已合為一志或言清或言濁者不過參錯言之非合流之後又有二漳水也清漳

漳以後清者亦為濁所奪故通典多言濁漳夫橫漳之稱肇於禹貢職方冀州其川漳戰國策蘇秦言秦申渡河踰漳據番吾府見平定縣則兵必戰於邯鄲之下矣張儀曰秦趙戰於河漳之下再戰而趙再勝至於史起鑿渠以富國曹公導流以通

漕皆漳水也詳見河南彰德府漢志注漳水過郡五上黨魏郡清河信都勃海行千六百八十里唐十道志河北大川曰漳水

灤河源出宣府衛西百二十里之炭山東北流經雲州堡北六十里馬營堡南二十餘里又北流經廢桓州南入

舊開平衛境東南流經古北已邊外小興州東又東南與邊外九道流河及諸小水合勢始大山薊州遵化縣東

北圍亭寨入內地經永平府遷安縣東至府西合於滦河又經灤州東至樂亭縣南入於海自源徂流橫亘於北

境蓋千有餘里水經注儒水自塞外來過令支肥如海陽寧縣入於海濡水即灤水也濡乃官友音與灤同亦謂之灤水晉元康

灤河

灤河

灤河

灤河

灤河

灤河

灤河